



Inatsisartunut ilaasortaq
Aleqa Hammond
Siumut

Inatsisartut suleriaasianni § 36 imm. 2010-158 naapertorlugu Naalakkersuisunut apeqquaqqaammut ilinniartut atugarisaannik misissuinermit tunngassumut akissuteqaat.

Ulloq 17. august Inatsisartut suleriaasianni § 36, imm. 1 naapertorlugu Naalakkersuisut apeqquaqqaatinik ukunanga apeqquaqqaateqarfigaatit.

31. august 2010
Sagsnr. 2010-024961
Dok. Nr. 445993

Postboks 1029
3900 Nuuk
Tlf: +299 34 50 00
Fax: +299 32 20 73
Email: kiin@nanoq.gl
www.nanoq.gl

1. **Kalaallit ilinniartut atugaat pillugit misissuinissamik Inatsisartunit FM2010/156-ip akuersissutigineqarneratigut Naalakkersuisunut peqqussutigineqartoq suliaq sumut killippa?**
2. **Ilinniartut kattuffii qanoq misissuinermit akuutinneqartigippat?**
3. **ilinniartut (maani nunatsinni nunanilu allaniittuni) misilittagarineqartut qanoq annertutigisumik misissuinermit akuutinneqartigippat?**
4. **Naalakkersuisut maanna killiffimmi nalunaarutigereersinnaanerlugu misissuinerup inernerisinnaasai qanoq isikkoqarnersut?**
5. **Naalakkersuisut misissuinissami qanoq ilusilersuippat, suullu misissuinissami tunngavigineqarpat?**
6. **Naalakkersuisut oqaatigisinnaanerlugu ilinniartut ilaannai immaqaluunniit ilinniartut tamakkerlutik (maani nunatsinni nunanilu allani ilinniartut) misissuinermit ilaatinneqarnersut?**
7. **Naalakkersuisut oqaatigisinnaanerlugu Danmark-imi ilinniartut saniatigut misilittakkat periarfissaanersoq ilanngutissallugit? Uani pineqarlutik Kalaallit ilinniartut Islandimi, Norgemi nunanilu allani ilanngunneqarsimanersut?**

Naalakkersuisut apeqquaqqaatitit qujassutigaaat.

Apeqqut 1-imut akissut.

Naalakkersuisut UPA 2010/156-imut akissuteqaataanni takuneqarsinaasutut Naalakkersuisut upernaarli ilinniartut peqatigiiffiit KIK-mut, Avalak-mut kiisalu Kisaq-mut ilinniartut atugaat pillugit misissuinermit tunngatillugu saaffiginnissuteqarput. Saaffiginninnermut atatillugu paasinarsivoq Avalak ilinniartut atugaat pillugit misissuinermit aallartitsereersimasoq. Misissuinermit Kalaallit Nunaanni ilinniartut kiisalu Danmarkimi ilinniartut atugaat pineqarput. Kultureqarnermut, Ilinniartitaanermit, Ilisimatusarnermit Ilageeqarnermullu Naalakkersuisoqarfiup paasivaa misissuineq taanna kiisalu Naalakkersuisoqarfiup misissuinissamut pilersaarutigisaa ima assigiissuteqartigisut allamik misissuinissamik aallartitsissalluni pisariaqartinneqassanani. Taamaattumillu Avalak isumaqatigiissuteqarfigineqarpoq misissuinerup ataatsimoortumik nalilerneqarnisaanut Avalaap misissuiner aallaavineqassasoq.

Avalaap nalunaarusiani 17. august 2010 nassiuppaa. Maanna nalunaarusiaq nalilersorneqarpoq, tamatumunngalu atatillugu pissutsinut ataasiakkaanut tunngatillugu suli anertunerusumik misissuinissaq nalilersorneqarumaarpoq.

Apeqquut 2-mut akissut.

Soorlu apeqquut 1-imi oqaatigineqareersoq Naalakkersuisut misissuinnginnermi ilinniartut peqatigiiffii tamakkerlugit saaffigeqqaarsimavaat. Tassa ilinniartut aallaqqaataaniilli peqataatinneqarput. Avalammit Kisaq suleqatigalugu misissuinerup misissuinertavia ingerlanneqarpoq, taavalu KIK KIIN-imut nalunaaruteqarpoq KIK-ip siulersuisuisa saaffiginnissut tigusimagaat. Tamatumalu saniatigut Kisaq nalunaarpoq ilinniartut isertitaannut aningaasartuutaannullu tunngatillugu immersukkat paasissutissanik imallit utertinneqarumaartut. Maanna KIIN-ip immersukkat Kisaq-mit KIK-millu tiginissaat utaqqivai.

Taakkualu saniatigut 26. maj 2010 Avalak-mik ataatsimeeqateqarneq ingerlanneqarpoq, tassanilu Naalakkersuisut Inatsisartut ataatsimiinnermini eqqartuinissaat ilisimatitsissutigaat, illuatunganiillu Avalaap misissuineq ingerlanneqartoq pillugu ilisimatitsissuteqarpoq. Tamatumaniilu Avalaap pingaartillugu ilisimatitsissutigaa ilinniartut Kalaallit Nunaaniittut misissuinnermi tassani ilanngunneqarnikuusut.

Apeqquut 3-mut akissut.

Misissuinnermut atatillugu maannakorpiaq ilinniarfiit toqqaannartumik saaffigineqarnikuunngillat. Tamatumunnga pissutaavoq Kalaallit Nunnaanni ilinniarnersuutit, ilinniartut, lærlingiit akissarsiaat kiisalu inigisanut kollegianut akiliutit sumiikkaluaraanniluunniit assigiimmata.

Avalaap nalunaarusiaata nalilersornissaanut atatillugu pissutsinut aalajangersimasunut assigiinngitsunut tunngatillugu paasissutissanik annertunerusunik pissarsinissaq siunertaralugu pisariaqartitsisoqartillugu ilinniarfinnut saaffiginnittoqassanersoq nalilersorneqassaaq.

Soorunami Naalakkersuisut ilisimavaat ilinniartut inissiaanni kollegiani pitsaassutsit sumiiffinniit sumiiffinnut assigiinngitsorujussuummata. Naalakkersuisut ilinniartut inissiaasa kollegiat pioreersut aserfallatsaalinissaat pitsanngorsaaviginissaallu pingaartippaat kiisalu kollegianik nutaanik sanaartorneq ingerlatiinnarlugu, tassa 2011-imut Aningaasatigut Inatsisissami 20 mio. kr. immikkoortinneqarput.

Apeqquut 4-mut akissut.

Avalaap nalunaarusiaa immikkoortutigit naliliinermik imaqarpoq, taakkualu immikkoortutigit aalajangersimasutigit assigiinngissutinik uparuagaqarput.

Nalunaarusiaq aatsaat tigoqqammerneqarmat suli sukumiisumik misissuiffigineqann-gilaq nalilersuiffigineqaranilu, taamaattumillu Naalakkersuisut isumaqarput misissuineq aallaavigalugu ataatsimut isigalugu qanoq inissisimasoqarnerisooq pillugu oqaaseqaa-teqarnissamut siusippallaartoq. Misissuinerullu inernerisaasa qanoq tatiginartiginerat mis-sissussallugu pisariaqartinneqarpoq, misissuinnermilu paasisat pissutsinut piviusunut na-leqqersuuteqqaartariaqarlutik, tamatumani ilinniarnersuutit stipendiat annertussusaat, inuuniarnermi aningaasartuutit assigisaallu matumani ilaatinneqassallutik.

Apeqquut 5-imut akissut.

Apeqquummut 1-imut akissuteqaat tamakkerlugu innersuussutigineqarpoq.

Apeqquut 6-imut akissut.

Avalaap misissuinerani Kalaallit Nunaanni ilinniartut kiisalu Danmarkimi ilinniartut peqataapput. Misissuineq apeqquteqaatinik immersorlugit akisassanut akissuteqaatit tunngavigalugit suliarineqarpoq, taannalu Avalaap Kisaq suleqatigalugu suliarisimavaat. Apeqquteqaatinut akissuteqaatinik immersuiffissaq Avalaap ilaasortaanut kiisalu ilinniartunut Kalaallit Nunaaniittunut nassiussorneqarsimavoq. Misissuinermit apeqquteqaatinut Danmarkimi ilinniartunit 193-iniit kiisalu Kalaallit Nunaanni ilinniartunit 94-iniit akissuteqaatit tiguneqarsimapput.

Aalajangiiffigisassatut siunnersuut UPA 2010/156 taassumalu Inatsisartuni aalajangiiffigineqarnissaa tassaavoq ilinniarnermik ingerlatsisut atugaasigut tamarmiusumik misissuiffigineqarsimasut imarisamigut sinaakkuserneqarnera.

Apeqquut 7-imut akissut.

Naalakkersuisut nunani avannarlerni assigiinngitsuni ilinniarnermik ingerlatsisut atugaasa qanoq inneri ilisimasaqarfigilluarpaat. Nalunaarsuutit pigineqareerput, soorlu ASIN-ip (Arbejdsgruppe for Studiestøtte I Norden) nunani avannarlerni suliarisimasaq. Tassani aammattaaq Kalaallit Nunaat ilaatinneqarpoq. Ilinniarnermik ingerlatsisut aningaasat atugassat imminnut naleqqerssuunnerinik suliaqarnermi ASIN-ip paasissutissaatai atorneqartarput.

Akissuteqaatit tiguneqarsimasut aammattaaq nunani allani ilinniarnermik ingerlatsisut akissuteqaataannik ilaqarput. Naalakkersuisut aammattaaq Kalaallit Nunaanni ilinniartut atugaannut tunngatillugu ilisimasat misilittakkallu ilaatikkusuppaat, tamatumunngalu atatillugu nunani allani ilinniartut atugaat, taaku Danmarkimi Kalaallit Illuini pigineqarput.

Inussiarnersumik inuulluaqqusillunga

Mimi Karlsen